

No. 1247. 1483. 1. Aug.

Herzog Ernst, Administrator des Erzstifts Magdeburg bekennt 500 rhein. Goldgülden für fünf Salzpflanzen zu Halle vom B. Johann baar empfangen zu haben.

Wir Ernst von gots gnaden administrator der kirchen zu Magdburg vnnnd zu Halberstad etc. herczog zu Sachsen, lantgraue in Doringen vnnnd marggraue zu Meissen bekennen vffentlich mit dissem briue fur vns vnnnd vnnsere nachkomen erzbischove zu Magdburg, das vns der erwirdige in got vater herre Johans bischeve zu Meissen vnnsrer lieber herre vnnnd frund funff hundert gute Rinische gulden, die er vns der funff pflanzen halben in Dützschenbornne in vnnsrer stad Halle, die wir ym seinen nachkommen vnd kirchen zu Meissen mit willen vnd fulbord vnnsers capittels zu Magdburg vff einen widerkouff vorschrieben haben, pflichtig gewest ist, gütlichen vnd wolzudaenke vornfüget vnd bezalt hat, dauon so sage wir den gnanten vnnsern lieben herren vnd frund, seine nachkomen bischeve vnnnd kirche zu Meissen derselbtenn funffhundert gulden quid ledig vnnnd loß inerafft dießs brives, an den wir des zu bekentnus vnnsrer insigil wissentlich han thun hengen, der gebin ist zu Gebichinsein nach Cristi vnnsers herren geburd thusend vierhundert dornach im drie vnnndachtzigsten jare am fritage sent Petri ad vincula tage.

Nach dem Orig. im Stiftsarchiv zu Meissen mit dem Siegel an einem Pergamentstreifen.

No. 1248. 1483. 23. Oct.

K. Friedrich III. belehnt den B. Johann mit dem von einem seiner Vorfahren an das Kloster Altzelle angeblich ohne kaiserl. Genehmigung verkauften und seitdem von mehreren Äbten nicht in Lehn genommenen, daher an das Reich heimgefallenen Schlosse Nossen mit Zubehör.

Wir Friderich von gottes gnaden Römischer keyser zu allenn ezeiten merer des reichs zu Hungern Dalmacien Croacien etc. kunig, hertzoge zu Österreich zu Steyr zu Kernndten vnd zu Crain, graue zu Tyrol etc. bekennen. Nach dem weilent ein bischof zu Meyssen das slos genannt Noßen, so dem stiftt Meyssen zugehoret vnd vnnder andern des stiftts regalien vnd weltlicheit von vnns vnd dem heiligen reiche zulehen ruret vnd zuempfahe geburet, on vnnsrer als Romischen keyseris verwilligung dem goczhaws Zell verkaufft, vnd nach demselben verkaufft ettlich äbtt des gemelten gocz haws gewesen seinn, die dasselb noch annder ire lehen vnd weltlicheit von vnns als sich geburet nicht empfanngen haben, deßhalben die aus denselben vnd andern vrsachen vnns vnd dem heiligen reiche ledig worden vnd heimgefallen seinn, daz wir die getrewen annemen vnd nuczlichen dinst, so der erwirdig Johans bischof zu Meyssen vnnsrer furst vnd lieber andechtiger vnns vnd dem heiligen reiche offt williclich getan hat vnd in kunfftig zeitt wol tun mag vnd sol, angesehen vnd darumb mit wolbedachtem mute gutem rate vnd rechter wissenn demselben bischof Johanssen das obestimpt slos Noßen mit allen oberkeiten gericht